



JU KANTONALNA BOLNICA ZENICA

DIREKTOR

Adresa: Crkvice 67, 72000 Zenica, Bosna i Hercegovina Direktor: 032 447 010
Centrala: 032 447 000 fax: 032 226 576 E-mail: kbzenica@kbze.ba

Identifikacijski broj: 4218136720007

Registrovano kod Kantonalnog suda u Zenici Rj.br: U/I 486/98 od 09.04.1999.

Broj: 33-02-3005/20
Zenica, 02.06.2020. godine.

Na osnovu člana 69. i 70. Zakona o javnim nabavkama ("Službeni glasnik BiH" broj: 39/14), člana 21. Pravilnika o javnim nabavkama JU Kantonalne bolnice Zenica (broj: 20/1-1-17555 od 24.08.2016 godine), direktor Kantonalne bolnice Zenica, donosi

ODLUKU

I

Vrši se odabir ponude ponuđača "GAMS" D.O.O. ZENICA kao najpovoljnije i jedine ponude za javnu nabavku usluge – odvoz i zbrinjavanje energetskog otpada za potrebe JU Kantonalna bolnica Zenica.

II

Sa odabranim ponuđačem iz stava I ove Odluke zaključit će se okvirni sporazum na period od 2 (dvije) godine, na ukupanu procjenjenu vrijednost u iznosu od 30.000,00 KM bez PDV-a.

III

Javna nabavka je provedena putem otvorenog postupka sa namjerom provođenja e-aukcije, tender, broj: 11-27/20.

IV

Ova odluka stupa na snagu danom donošenja.

OBRAZLOŽENJE

U skladu sa članom 5. i 8. Pravilnika o uspostavljanju i radu Komisije za nabavke (Službeni glasnik BiH broj 103/14), Komisija za nabavku: Usluge odvoz i zbrinjavanje energetskog otpada u JU Kantonalna bolnica Zenica na period od 2 (dvije) godine za potrebe u JU KBZ (tender broj: 12-27/20), imenovana Odlukom direktora broj: 01-02-324-1/20 od 05.05.2020. godine podnosi direktoru JU Kantonalna bolnica Zenica izvještaj o provedenom postupku javne nabavke robe, Usluge odvoz i zbrinjavanje energetskog otpada u JU Kantonalna bolnica Zenica na period od 2 (dvije) godine (tender broj: 12-27/20) Odlukom direktora broj 01-02-324/20 od 05.05.2020.godine pokrenut je postupak javne nabavke, Usluge odvoz i zbrinjavanje energetskog otpada u JU Kantonalna bolnica Zenica na period od 2 (dvije) godine (tender broj: 12-27/20), ukupne procijenjene vrijednosti 30.000,00 bez PDV-a, na dvogodišnjem nivou.

Otvoreni postupak je odabran za korištenje iz sljedećih razloga:

Članom 19. stav 1 Zakona o javnim nabavkama propisano je da Ugovorni organi iz člana 4. ovog zakona za dodjelu ugovora o javnoj nabavci primjenjuje otvoreni ili ograničeni postupak kao osnovne i redovne postupke. Obzirom da KB Zenica spada u ugovorne organe iz člana 4. ZJN, smatramo da su ispunjeni uslovi da se provede otvoreni postupak za javnu nabavku robe, Usluge odvoz i zbrinjavanje energetskog otpada u JU Kantonalna bolnica Zenica na period od 2 (dvije) godine (tender broj: 12-27/20)

Komisija je na zatvorenom sastanku dana 29.05.2020. godine sa početkom u 11:00 sati utvrdila sljedeće:

- da je na portalu „E-nabavke“ dana 12.05.2020. godine objavljeno je obavještenje o nabavci broj 669-1-2-207-3-209/20 i TD sa namjerom provođenja e-aukcije, te rokom prijema ponuda i javnim otvaranjem ponuda zakazanim za dan 28.05.2020. godine,
 - Da je planirano zaključivanje okvirnog sporazuma o javnoj nabavci usluga, sa jednim ponuđačem na period od 2 (dvije) godine,
 - da je na portalu „E-nabavke“ bilo postavljenih upita vezano za predmetnu nabavku i to:
 - Dana 12.05.2020. godine, potencijalni ponuđač se obratio Komisiji za javnu nabavku putem portala „E-nabavke“ sa sljedećim upitom: „Da li ugovorni organ određuje deponiju za odlaganje otpada ili je to obaveza izvođača“
 - Komisija za javnu nabavku je dana 13.05.2020. godine odgovorila: „Određivanje mjesta odvoza i zbrinjavanja energetskog otpada je stvar ponuđača, ugovorni organ poslije odvoza energetskog otpada sa lokacije Bolnice, nema više nikakve obaveze u tom pogledu, naravno osim plaćanja cijene po osnovu ugovorenog iznosa po 1m³ energetskog otpada.“
 - Da je sa portala „E-nabavke“ tendersku dokumentaciju preuzelo ukupno 4 (četiri) potencijalnih ponuđača
 - da je javno otvaranje ponuda bilo dana 28.05.2020. godine u 10,00 sati
 - da na javnom otvaranju ponuda je prisustvovao predstavnik ponuđača „GAMS“ d.o.o. Zenica – Arnautović Muamer,
 - da je na (tender broj 12-27/20), u predviđenom roku pristiglo ukupno 1 (jedna) ponude i to ponude ponuđača:
1. „GAMS“ D.O.O. Zenica

Prikaz prihvatljivosti ponuda prema obliku, sadržaju i potpunosti, iz zapisnika o otvaranju ponuda

Redni broj omotnice ponude	Naziv ponuđača	Najniža cijena tehnički zadovoljavajuće ponude
1.	„GAMS“ D.O.O. Zenica	Ukupna cijena ponude bez PDV-a: <u>6,00</u> KM

Za ispunjavanje svih uslova predviđenih tenderskom dokumentacijom traženo je dostavljanje sljedećih dokumenata, obrazaca i izjava, po tačkama iz tenderske dokumentacije:

3. USLOVI ZA KVALIFIKACIJU

3.1. Lična sposobnost – član 45. Zakona.

Ponuđač je dužan u svrhu dokazivanja lične sposobnosti dokazati da:

- u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;
- nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- je ispunio obaveze u vezi sa plaćanjem penzijskog i invalidskog osiguranja i zdravstvenog osiguranja, u skladu sa važećim propisima u Bosni i Hercegovini ili propisima zemlje u kojoj je registrovan;
- je ispunio obaveze u vezi sa plaćanjem direktnih i indirektnih poreza, u skladu sa važećim propisima u Bosni i Hercegovini ili zemlji u kojoj je registrovan.

U svrhu dokazivanja uslova iz tački a) do d) ponuđač je dužan dostaviti popunjenu i ovjerenu kod nadležnog organa (općinskog organa uprave ili notara) izjavu koja je sastavni dio tenderske dokumentacije. Izjava ne smije biti starija od 15 /petnaest/ dana od dana predaje ponude.

Ukoliko ponudu dostavlja grupa ponuđača, svaki član grupe je dužan dostaviti ovjerenu izjavu.

Ponuđač koji bude odabran kao najbolji u ovom postupku javne nabavke je dužan dostaviti slijedeće dokaze (original ili ovjerenu kopiju) u svrhu dokazivanja činjenica potvrđenih u izjavi i to:

- izvod iz kaznene evidencije nadležnog suda i Suda BiH da u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;
- izvod ili potvrda iz evidencije u kojim se vode činjenice da nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- potvrde nadležne poreske uprave ili ukoliko se radi o ponuđaču koji nije registrovan u Bosni i Hercegovini, potvrda ili izvod iz evidencije na osnovu koje se može utvrditi da uredno izmiruje obaveze za penzijsko i invalidsko osiguranje i zdravstveno osiguranje.
- potvrde nadležne/ih institucija o uredno izmirenim obavezama po osnovu direktnih i indirektnih poreza.

U slučaju da ponuđači imaju zaključen sporazum o reprogramu obaveza, odnosno odgođenom plaćanju, po osnovu doprinosa za penzijsko-invalidsko osiguranje, zdravstveno osiguranje, direktne i indirektno poreze, dužni su dostaviti potvrdu nadležne institucije/a da ponuđač u predviđenoj dinamici izmiruje svoje reprogramirane obaveze. Ukoliko je ponuđač zaključio sporazum o reprogramu obaveza ili odgođenom plaćanju obaveza i izvršio samo jednu uplatu obaveza, neposredno prije dostave ponude, ne smatra se da u predviđenoj dinamici izvršavaju svoje obaveze i taj ponuđač neće biti kvalifikovan u ovom postupku javne nabavke.

Dokazi koje je dužan dostaviti izabrani ponuđač moraju sadržavati potvrdu da je u momentu predaje ponude ispunjavao uslove koji se traže tenderskom dokumentacijom. U protivnom će se smatrati da je dao lažnu izjavu. Dokaze o ispunjavanju uslova je dužan dostaviti u roku od 5 dana od dana zaprimanja obavještenja o rezultatima ovog postupka javne nabavke. Dokazi koje dostavlja izabrani ponuđač ne mogu biti stariji od tri mjeseca, računajući od momenta predaje ponude. Naime, izabrani ponuđač mora ispunjavati sve uslove u momentu predaje ponude, u protivnom će se smatrati da je dao lažnu izjavu iz člana 45. Zakona.

Ukoliko ponudu dostavlja grupa ponuđača, svaki član grupe mora ispunjavati uslove u pogledu lične sposobnosti i dokazi se dostavljaju za svakog člana grupe.

Ugovorni organ može diskvalifikovati ponuđača iz ovog postupka javne nabavke ukoliko može dokazati da je ponuđač bio kriv za ozbiljan profesionalni prekršaj u posljednje tri godine, ali samo ukoliko može dokazati na bilo koji način, posebno značajni i/ili nedostaci koji se ponavljaju u izvršavanju bitnih zahtjeva ugovora koji su doveli do njegovog prijevremenog raskida (npr. dokaz o prijevremenom raskidu ranijeg ugovora zbog neispunjavanja obaveze u skladu sa Zakonom o obligacionim odnosima), nastanka štete (pravosnažna presuda nadležnog suda za štetu koju je pretrpio ugovorni organ), ili drugih sličnih posljedica koje su rezultat namjere ili nemara tog privrednog subjekta (dokazi u skladu sa postojećim propisima u Bosni i Hercegovini).

Za ponuđače čije je sjedište izvan Bosne i Hercegovine ne traži se posebna nadovjera.

Dokazi se dostavljaju kao neovjerene kopije originala, s tim da datum izdavanja originala za uslov pod tačkama ne može biti stariji od 3 /tri/ mjeseca računajući od dana dostavljanja ponude. Ponuđač koji bude odabran kao najbolji u ovom postupku javne nabavke je dužan dostaviti originale ili ovjerene kopije ranije navedenih dokumenata u roku od 7 (sedam) dana od dana zaprimanja obavještenja o rezultatima ovog postupka javne nabavke. Ukoliko ponudu dostavlja grupa ponuđača, svi članovi grupe zajedno moraju biti registrovani za obavljanje djelatnosti koja je predmet nabavke ili za dio predmeta nabavke.

3.2. Sposobnost obavljanja profesionalne djelatnosti – u smislu člana 46. ZJN BiH

Ponuđač je dužan u svrhu dokazivanja sposobnosti obavljanja profesionalne djelatnosti dokazati da je:

- registrovan u odgovarajućim profesionalnim ili drugim registrima u zemlji u kojoj su osnovali firmu za obavljanje djelatnosti koja je predmet ove nabavke u vrijeme predaje ponude.

U svrhu dokazivanja uslova iz tačke 3.2. alineja a) ponuđač je dužan dostaviti:

- a.) aktuelni izvod iz sudskog registra ili izjavu ili potvrdu nadležnog organa iz koje se vidi da je ponudjač registrovan za obavljanje djelatnosti koja je predmet ove nabavke u vrijeme predaje ponude.

Dokazi se dostavljaju kao neovjerene kopije originala, s tim da datum izdavanja originala za uslov pod tačkom a) ne može biti stariji od 3 /tri/ mjeseca računajući od dana dostavljanja ponude.

Ukoliko ponudu dostavlja grupa ponuđača, svi članovi grupe zajedno moraju biti registrovani za obavljanje djelatnosti koja je predmet nabavke ili za dio predmeta nabavke.

Ponuđač koji bude odabran kao najbolji u ovom postupku javne nabavke je dužan dostaviti original ili ovjerenu kopiju ranije navedenih dokumenata u roku od 7 /sedam/ dana od dana zaprimanja obavještenja o rezultatima ovog postupka javne nabavke.

Dokaz koji je dužan dostaviti izabrani ponuđač mora sadržavati potvrdu da je u momentu predaje ponude ispunjavao uslove koji se traže tenderskom dokumentacijom. Dokaz koje dostavlja izabrani ponuđač za uslov pod tačkom a) ne može biti stariji od tri mjeseca, računajući od momenta predaje ponude.

3.3. Tehnička i profesionalna sposobnost (član 50. ZJN BiH)

Ponuđač je dužan u svrhu dokazivanja tehničke sposobnosti dokazati da je:

- a) Tehnički opremljen i osposobljen za pružanje usluga predmetne nabavke (član 50. ZJN BiH pod e)

U svrhu dokazivanja uslova iz tačke 3.3. ponuđač je dužan dostaviti:

- a) Spisak vozila i njihova nosivost.

3.4. Ekonomska i finansijska sposobnost – član 47. ZJN BiH

Ponuđač je dužan u svrhu dokazivanja ekonomske i finansijske sposobnosti dokazati da:

- a) da je glavni transakcijski bankarski račun ponuđača aktivan i solventan

U svhu dokazivanja uslova iz tačke 3.3., ponuđač je dužan dostaviti:

- a) izjava ovjerena od strane ponuđača, koja je dostavlja u formi iz Prilog broj 4. TD, koja ne smije biti starija od 15 (petnaest) dana od dana predaje ponude,
- b) dostavljanje običnih kopija dokumenata/dokaza za uslov naveden u alineji a) odgovarajućeg dokumenta/ dokaza koji izdaje banka ponuđača a kojim se dokazuje ispunjenje uslova da je glavni transakcijski bankarski račun ponuđača aktivan i solventan (potvrda banke ponuđača da ponuđač ima otvoren solventan račun kod iste i da je ujedno taj račun glavni). Dostavlja se kao neovjerena kopija originala, s tim da datum izdavanja originala ne može biti stariji od 15 dana računajući od dana dostavljanja ponude.

Ponuđač koji bude odabran kao najbolji u ovom postupku javne nabavke je dužan dostaviti originale ili ovjerene kopije ranije navedenih dokumenata u roku od 7 dana od dana zaprimanja obavještenja o rezultatima ovog postupka javne nabavke.

3.5. Izjave o načinu i roku isporuke predmetne usluge koje su sastavni dio ponude ponuđača:

- a. Izjava ponuđača da je mjesto pružanja usluge JU Kantonalna bolnica Zenica u skladu sa tačkom 2.4. TD
- b. Izjava ponuđača da prihvata bezavanso plaćanje u roku od 60 /šezdeset/ dana u skladu sa tačkom 6.6. TD,
- c. Izjava ponuđača da su za vrijeme trajanja okvirnog sporazuma cijene nepromjenjive,
- d. Izjava ponuđača o roku isporuke usluge u skladu sa tačkom 2. 5.TD
- e. Izjava ponuđača o vremenu trajanja ponude od 120 /stodvadeset/dana u skladu sa tačkom 4.11. TD,
- f. Izjava ponuđača da prihvata elektronsku korespondenciju kod dostavljanja naruđbe prema potrebama Ugovornog organa,
- g. Izjava ponuđača da će prilikom predaje otpada koji je dio usluga predmetne javne nabavke, zapisnički konstatovati sve neophodne podatke o predaji istog

4. PODACI O PONUDI

4.1. Sadržaj ponude i način pripreme ponude

Ponuda se zajedno sa pripadajućom dokumentacijom priprema na jednom od službenih jezika u Bosni i Hercegovini, na latiničnom ili ćirilničnom pismu. Pri pripremi ponude ponuđač se mora pridržavati zahtjeva i uslova iz tenderske dokumentacije. Ponuđač ne smije mijenjati ili nadopunjavati tekst tenderske dokumentacije.

Ponuda mora sadržavati:

- a) Osnovne podatke o ponuđaču na memorandumu ponuđača (Adresa, sjedište, službeni e-mail ponuđača za komunikaciju i dostavu odluka, direktor, ID broj, naziv banke kod koje ima otvoren glavni račun sa brojem istog i sl.)
- b) Obrazac za ponudu –Prilog broj 1 TD;
- c) Obrazac za cijenu ponude –Prilog broj 2 TD;
- d) Izjava o ispunjenosti uslova iz člana 45. stav (1) tačaka od a) do d) Zakona o javnim nabavkama – Prilog broj 3 TD;
- e) Obične kopije dokumenata kojima ponuđač dokazuje ispunjenost uslova iz člana 46. Zakona (aktuelni izvod iz sudskog registra)
- f) Izjava i obična kopija dokumenta kojima dokazuje da ispunjava tražene uslova iz člana 47. Zakona o javnim nabavkama - Prilog broj 4 TD;
- g) Izjave ovjerene od strane ponuđača u skladu sa tačkom 3.5. TD
- h) Izjava ponuđača o prihvatanju garancije za uredno izvršenje ugovora u visini od 10% od vrijednosti ugovora- Prilog broj 5 TD; u skladu sa tačkom 6.2. T.D.
- i) Pismena izjava ponuđača iz člana 52. Zakona o javnim nabavkama-Prilog broj 6 TD;
- j) Obrazac/forma garancije za uredno izvršenje ugovora-Prilog broj 7 TD;
- k) Obrazac povjerljive informacije –Prilog broj 8 TD;
- l) Potpisan i popunjen nacrt okvirnog sporazuma –Prilog broj 9 TD;
- m) Izjava o prihvatanju općih i posebnih uslova tenderske dokumentacije –Prilog broj 10 TD;
- n) Original uvjerenja Vanjskotrgovinske komore Bosne i Hercegovine, Sektor za javna dokumenta u slučaju da ponuđač podliježe primjeni preferencijalnog tretmana domaćeg;
- o) Ukoliko ponudu, umjesto lica upisanog u sudski registar, potpisuje ovlašteno lice, potrebno je uz ponudu, dostaviti i original ili ovjerenu fotokopiju punomoći lica ovlaštenog za potpisivanje ponude

❖ **KOMISIJA KOJA PROVODI PREDMETNU JAVNU NABAVKU KONSTATUJE DA JE PONUĐAČ "GAMS" D.O.O. ZENICA UZ PONUDU ZA PREDMETNU JAVNU NABAVKU USLUGE - Usluge odvoz i zbrinjavanje energetskog otpada u JU Kantonalna bolnica Zenica na period od 2 (dvije) godine, UZ PONUDU DOSTAVIO SLJEDEĆE DOKUMENTE I TO:**

- Naslovna strana ponude ovjerena od strane ponuđača na memorandum ponuđača
- Specifikacija dostavljene dokumentacije za predmetnu javnu nabavku potpisana i ovjerena od strane ovlaštene osobe
- Osnovni podaci ponuđača, na memorandumu ponuđača, potpisani i ovjereni od strane ovlaštene osobe
- Obrazac za dostavljanje ponude, Prilog broj 1, popunjen, ovjeren i potpisan od strane ovlaštene osobe sa popisom dostavljenih dokumenata koji čine sastavni dio ponude
- Obrazac za cijenu ponude, Prilog broj 2, popunjen, ovjeren i potpisan od strane ovlaštene osobe
- Izjava o ispunjavanju uslova iz člana 45. Stav (1) tačkama od a) do d) ZJN BiH, Prilog broj 3, potpisana i ovjerena od strane nadležnog organa 28.05.2020. godine
- Aktuelni izvod iz sudskog registra Općinskog suda u Zenici broj: 043-0-RegZ-20-001411 od 25.05.2020. godine, ovjerena od strane nadležnog organa dana 27.05.2020. godine
- Spisak vozila i radnih mašina sa kopijama saobraćajnih dozvola, potpisani i ovjereni od strane ovlaštene osobe, (od str. 15 do str. 21)
- Izjava o ispunjavanju uslova iz člana 47. stav (1) tačka od a) do d) ZJNBiH, Prilog broj 4, popunjena, ovjerena i potpisana od strane ovlaštene osobe
- Potvrda o solventnosti glavnog računa ponuđača broj 6150-22-73-127/2020-SD od 28.05.2020.
- Izjava ponuđača o mjestu pružanja usluge, roku plaćanja, nepromjenjivosti cijena za vrijeme trajanja okvirnog sporazuma, roku isporuke, vremenu trajanja ponude- 120 dana, elektronskoj korespondenciji kod dostavljanja narudbi i zapisničkoj evidenciji prilikom predaje otpada
- Obrazac Izjave o dostavi garancije za uredno izvršenje okvirnog sporazuma, Prilog broj 5, popunjen i ovjeren od strane ovlaštene osobe
- Pismena izjava iz člana 52. ZJN BiH, Prilog broj 6, popunjen, ovjeren i potpisan od strane ovlaštene osobe i od nadležnog organa 28.05.2020. godine
- Forma garancije za uredno izvršenje ugovora (nije popunjen),
- Obrazac za povjerljive informacije, (bez povjerljivih informacija), potpisan i ovjeren od strane ovlaštene osobe, Prilog broj 8
- Nacrt okvirnog sporazuma, Prilog broj 9, potpisan i ovjeren od strane ovlaštene osobe
- Obrazac Izjave o prihvatanju općih i posebnih uslova TD, Prilog broj 10, popunjen, ovjeren i potpisan od strane ovlaštene osobe i nadležnog organa 17.03.2020. godine

Analizom ponude ponuđača „GAMS“ D.O.O. ZENICA Komisija koja provodi predmetnu javnu nabavku je utvrdila da je ponuda imenovanog ponuđača uvezana na način utvrđen T.D., da je ista numerisana i da je ponuđač dostavio kopiju i original ponude u skladu sa tačkom 4.2. TD, da je ponuđač dostavio dokumente, obrasce i izjave tražene tenderskom dokumentacijom o ispunjavanju uslova traženih u pogledu lične sposobnosti, ekonomsko finansijske, tehničko-profesionalne sposobnosti, odnosno da je isti dostavio sve tražene izjave o mjestu, roku i načinu izvršenja usluge predmetne javne nabavke, te ista ispunjava sve zahtjeve u pogledu opisa predmeta nabavke i tehničkih specifikacija i kao takva je prihvatljiva Ugovornom organu.

Ponuđač ne ispunjava uslove propisane za primjenu preferencijalnog tretmana domaćeg, obzirom da nije postupio u skladu sa tačkom 4.7. TD i dostavio potrebnu dokumentaciju.

Prema svemu gore navedenom ponuda ponuđača „GAMS“ D.O.O. ZENICA u predmetnoj javnoj nabavci zadovoljava sve postavljene formalno pravne uslove iz TD i kao takva je prihvatljiva Ugovornom organu.

U tenderskoj dokumentaciji za nabavku usluga: Usluge odvoz i zbrinjavanje energetskog otpada u JU Kantonalna bolnica Zenica (Broj nabavke: 12-27/20), procijenjene vrijednosti 30.000,00 bez uračunatog PDV-a, na dvogodišnjem nivou, JRJN oznaka predmeta nabavke: 90512000-9 USLUGE PREVOZA OTPADA, kriterij za dodjelu ugovora je: Najniža cijena tehnički zadovoljavajuće ponude.

Također, tenderskom dokumentacijom planirano je provođenje e-aukcije.

Nakon utvrđene kvalificiranosti ponuđača, nisu se stekli uslovi za provođenje e-aukcije, te ista nije zakazana.

RED. BR. PONUDE	PONUĐAČ	UKUPNA CIJENA bez PDV-a
1	„GAMS“ D.O.O. Zenica	6,00 KM po m3

Shodno utvrđenoj kvalificiranosti jedinog kandidata u predmetnoj javnoj nabavci, Komisija jednoglasno daje preporuku direktoru JU Kantonalne bolnice Zenica da za javnu nabavku usluga - odvoza i zbrinjavanja energetskog otpada za potrebe JU Kantonalna bolnica Zenica, (tender broj: 12-15/20), izvrši odabir najpovoljnije i jedine kvalificirane ponude i donese odluku o dodjeli i zaključenju okvirnog sporazuma na period od 2 (dvije) godine, sa ponuđačem „GAMS“ D.O.O. ZENICA na iznos od 6,00 KM bez PDV-a, po 1 m³ u skladu sa datom ponudom iz Obrasca za cijenu ponude, Prilog broj 2 TD.

Na osnovu gore navedenog, donesena je odluka kao u dispozitivu.

POUKA O PRAVNOM LIJEKU:

Protiv ove odluke može se uložiti žalba Kantonalnoj bolnici Zenica u roku od 10 /deset/ dana od dana prijema iste.



DIREKTOR

Prof.dr.sc.prim Skomorac Rasim

Amela J. Arifović